



ქალაქ თბილისის მუნიციპალიტეტის საკრებულო



დ ა დ გ ე ნ ი ლ ე ბ ა № 2-5

3 თეგერვალი
“ --- ” ----- 2015 წ

დ. თბილისი

თავშესაფრის მაძიებლის, ლტოლვილის ან ჰუმანიტარული სტატუსის მქონე პირთა სკოლამდელი ასაკის შვილებისთვის მუნიციპალიტეტის მართვაში არსებული სკოლამდელი აღზრდის დაწესებულებების მომსახურების ხელმისაწვდომობის უზრუნველყოფის წესის დამტკიცების თაობაზე

თავშესაფრის მაძიებლის, ლტოლვილისა და ჰუმანიტარული სტატუსის მქონე პირთა ინტეგრაციის ხელშეწყობა „ევროკავშირსა და საქართველოს შორის ასოცირების შესახებ შეთანხმების“ დღის წესრიგის 2015 წლის ეროვნული სამოქმედო გეგმით განსაზღვრული ერთ-ერთი უმნიშვნელოვანესი კომპონენტია. თავშესაფრის მაძიებელთა და თავშესაფრის მქონე პირთა ინტეგრაცია საერთაშორისო დაცვის ერთ-ერთ უმნიშვნელოვანეს ელემენტს წარმოადგენს.

საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო, როგორც საქართველოში თავშესაფრის საკითხებში უფლებამოსილი სახელმწიფო ორგანო, მიუთითებს სამინისტროს ბენეფიციარების - თავშესაფრის მაძიებლების, ლტოლვილის ან ჰუმანიტარული სტატუსის მქონე პირთა სკოლამდელი ასაკის შვილებისთვის, მუნიციპალიტეტის მართვაში არსებული სკოლამდელი აღზრდის დაწესებულებების ხელმისაწვდომობის მნიშვნელობის შესახებ, რომელიც წარმოადგენს თავშესაფრის სფეროში საქართველოს მიერ „ევროკავშირსა და საქართველოს შორის ასოცირების შესახებ შეთანხმებით“ და „სავიზო ლიბერალიზაციის სამოქმედო გეგმით“ ნაკისრ ვალდებულებათაგან ერთ-ერთ უმნიშვნელოვანეს საკითხს.

ყოველივე ზემოაღნიშნულის გათვალისწინებით, თავშესაფრის მაძიებლის, ლტოლვილის ან ჰუმანიტარული სტატუსის მქონე პირთა სკოლამდელი ასაკის შვილებისთვის მუნიციპალიტეტის მართვაში არსებული სკოლამდელი აღზრდის დაწესებულებების მომსახურების ხელმისაწვდომობის უზრუნველყოფის მიზნით,

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „ი“ ქვეპუნქტის, 61-ე მუხლის მე-2 პუნქტის, 68-ე მუხლის პირველი პუნქტის „კ“ ქვეპუნქტის; საქართველოს კანონის „ლტოლვილისა და ჰუმანიტარული სტატუსების შესახებ“ მე-18 მუხლის პირველი პუნქტის „ე“ ქვეპუნქტის და 23-ე მუხლის პირველი პუნქტის „თ“ ქვეპუნქტის საფუძველზე, ქალაქ თბილისის მუნიციპალიტეტის საკრებულო ადგენს:

1. დამტკიცდეს თავშესაფრის მაძიებლის, ლტოლვილის ან ჰუმანიტარული სტატუსის მქონე პირთა სკოლამდელი ასაკის შვილებისთვის მუნიციპალიტეტის მართვაში არსებული სკოლამდელი აღზრდის დაწესებულებების მომსახურების ხელმისაწვდომობის უზრუნველყოფის წესი, თანდართული რედაქციით.

2. დადგენილება ძალაშია გამოქვეყნებისთანავე.

საკრებულოს თავმჯდომარე



გიორგი ალიბეგაშვილი

თავშესაფრის მადიებლის, ლტოლვილის ან ჰუმანიტარული სტატუსის მქონე პირთა სკოლამდელი ასაკის შვილებისთვის მუნიციპალიტეტის მართვაში არსებული სკოლამდელი აღზრდის დაწესებულებების მომსახურების ხელმისაწვდომობის უზრუნველყოფის წესი

მუხლი 1. ზოგადი დებულებანი

თავშესაფრის მადიებლის, ლტოლვილის ან ჰუმანიტარული სტატუსის მქონე პირთა სკოლამდელი ასაკის შვილებისთვის მუნიციპალიტეტის მართვაში არსებული სკოლამდელი აღზრდის დაწესებულებების მომსახურების ხელმისაწვდომობის უზრუნველყოფის წესის (შემდგომში - წესი) მიზანია თავშესაფრის მადიებლის, ლტოლვილის ან ჰუმანიტარული სტატუსის მქონე პირთა სკოლამდელი ასაკის შვილებისთვის მუნიციპალიტეტის მართვაში არსებული სკოლამდელი აღზრდის დაწესებულებების მომსახურების ხელმისაწვდომობის უზრუნველყოფა.

მუხლი 2. უფლებამოსილი სამსახური

ქალაქ თბილისის მუნიციპალიტეტის მერიის განათლების, სპორტისა და ახალგაზრდულ საქმეთა საქალაქო სამსახური (შემდგომში - სამსახური), უზრუნველყოფს თავშესაფრის მადიებლის, ლტოლვილის ან ჰუმანიტარული სტატუსის მქონე პირთა სკოლამდელი ასაკის შვილებისთვის მუნიციპალიტეტის მართვაში არსებული სკოლამდელი აღზრდის დაწესებულებების მომსახურების ხელმისაწვდომობას.

მუხლი 3. რეგისტრაციის წესი

1. თავშესაფრის მადიებლის, ლტოლვილის ან ჰუმანიტარული სტატუსის მქონე პირთა სკოლამდელი ასაკის ბავშვების სკოლამდელი აღზრდის დაწესებულებებში რეგისტრაციის საფუძველია, ქალაქ თბილისის სკოლამდელი აღზრდის დაწესებულებაში რეგისტრაციასთან დაკავშირებით, სამსახურში შემოსული საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს (შემდგომში - სამინისტრო) მომართვა, რომელსაც თან უნდა ერთვოდეს: ბავშვის და მისი კანონიერი წარმომადგენლის თავშესაფრის მადიებლის, ლტოლვილისა და ჰუმანიტარული სტატუსის დამადასტურებელი დოკუმენტი (დროებითი საიდენტიფიკაციო მოწმობა ან/და დროებითი ბინადრობის მოწმობა და სხვა).

2. თავშესაფრის მაძიებლის, ლტოლვილის ან ჰუმანიტარული სტატუსის მქონე პირთა სკოლამდელი ასაკის ბავშვების სკოლამდელი აღზრდის დაწესებულებებში ელექტრონულ რეგისტრაციას და მასთან დაკავშირებული საკითხების ტექნიკურ უზრუნველყოფას, სამსახურის მომართვისა და ამ მუხლის პირველი პუნქტით გათვალისწინებული დოკუმენტების გადაგზავნის საფუძველზე, ახორციელებს ქალაქ თბილისის მუნიციპალიტეტის მერიის ა(ა)იპ - თბილისის საბავშვო ბაგა-ბაღების მართვის სააგენტო (შემდგომში - სააგენტო), იმ სკოლამდელი აღზრდის დაწესებულებასთან კოორდინაციაში, რომელიც განახორციელებს აღსაზრდელის მომსახურებას.

3. თავშესაფრის მაძიებლის, ლტოლვილის ან ჰუმანიტარული სტატუსის მქონე პირთა სკოლამდელი ასაკის ბავშვების სკოლამდელი აღზრდის დაწესებულებებში ელექტრონული რეგისტრაცია, სკოლამდელი აღზრდის დაწესებულებებში ჩარიცხვა, მომსახურება და სკოლამდელი აღზრდის დაწესებულებებიდან ამორიცხვა, ხორციელდება, საქართველოს მოქალაქეთათვის დადგენილი წესის მსგავსად.

მუხლი 4. ალტერნატიული სკოლამდელი აღზრდის დაწესებულების შერჩევა/შეთავაზება

თავშესაფრის მაძიებლის, ლტოლვილის ან ჰუმანიტარული სტატუსის მქონე პირთა სკოლამდელი ასაკის ბავშვების არსებულ სკოლამდელი აღზრდის დაწესებულებაში რეგისტრაციასთან დაკავშირებით, სამინისტროს მომართვაში მითითებულ სასურველ სკოლამდელი აღზრდის დაწესებულების შესაბამის ასაკობრივ ჯგუფში თავისუფალი ადგილის არარსებობის შემთხვევაში, სააგენტო უზრუნველყოფს, დაინტერესებული პირის სურვილის გათვალისწინებით, სხვა ალტერნატიული სკოლამდელი აღზრდის დაწესებულების შერჩევა/შეთავაზებას.

მუხლი 5. სამინისტროსათვის ინფორმაციის წარდგენა

სამსახური, უზრუნველყოფს, თავშესაფრის მაძიებლის, ლტოლვილის ან ჰუმანიტარული სტატუსის მქონე პირთა სკოლამდელი ასაკის ბავშვების სკოლამდელი აღზრდის დაწესებულებაში რეგისტრაციასთან დაკავშირებით მომართვის შედეგებზე ინფორმაციის სამინისტროსთვის მიწოდებას, სამინისტროს მომართვის საფუძველზე, საჭიროებისამებრ, მაგრამ არანაკლებ 3 თვეში ერთხელ.

მუხლი 6. დასკვნითი დებულებანი

წესში ცვლილების შეტანა ხორციელდება მოქმედი კანონმდებლობით დადგენილი წესით.

განმარტებითი ბარათი

„თავშესაფრის მაძიებლის, ლტოლვილის ან ჰუმანიტარული სტატუსის მქონე პირთა სკოლამდელი ასაკის შვილებისთვის მუნიციპალიტეტის მართვაში არსებული სკოლამდელი აღზრდის დაწესებულებების მომსახურების ხელმისაწვდომობის უზრუნველყოფის წესის დამტკიცების თაობაზე“ ქალაქ თბილისის მუნიციპალიტეტის საკრებულოს დადგენილების პროექტის თაობაზე

საკრებულოს დადგენილების პროექტის მიღების მიზეზი და არსი

ქალაქ თბილისის მუნიციპალიტეტის საკრებულოს დადგენილების პროექტით გათვალისწინებულია თავშესაფრის მაძიებლის, ლტოლვილის ან ჰუმანიტარული სტატუსის მქონე პირთა სკოლამდელი ასაკის შვილებისთვის მუნიციპალიტეტის მართვაში არსებული სკოლამდელი აღზრდის საჯარო დაწესებულებების მომსახურების ხელმისაწვდომობის უზრუნველყოფა.

საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო, როგორც საქართველოში თავშესაფრის საკითხებში უფლებამოსილი სახელმწიფო ორგანო, მიუთითებს სამინისტროს ბენეფიციარების - თავშესაფრის მაძიებლების, ლტოლვილის ან ჰუმანიტარული სტატუსის მქონე პირთა სკოლამდელი ასაკის შვილებისთვის მუნიციპალიტეტის მართვაში არსებული სკოლამდელი აღზრდის საჯარო დაწესებულებების ხელმისაწვდომობის მნიშვნელობის შესახებ, რომელიც წარმოადგენს თავშესაფრის სფეროში საქართველოს მიერ „ევროკავშირსა და საქართველოს შორის ასოცირების შესახებ შეთანხმებით“ და „სავიზო ლიბერალიზაციის სამოქმედო გეგმით“ ნაკისრ ვალდებულებათაგან ერთ-ერთ უმნიშვნელოვანეს საკითხს.

აღსანიშნავია, რომ თავშესაფრის მაძიებლის, ლტოლვილისა და ჰუმანიტარული სტატუსის მქონე პირთა სკოლამდელი ასაკის შვილების სკოლამდელი აღზრდის დაწესებულებებში რეგისტრაცია და მომსახურების განხორციელების საფუძველი იქნება საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს, როგორც საქართველოში თავშესაფრის საკითხებში უფლებამოსილი სახელმწიფო ორგანოს, მომართვა.

პროექტის მიზანია თავშესაფრის მაძიებლის, ლტოლვილისა და ჰუმანიტარული სტატუსის მქონე პირთა სკოლამდელი ასაკის შვილების სკოლამდელი აღზრდის დაწესებულებებში რეგისტრაცია და მომსახურების ხელმისაწვდომობა საქართველოს მოქალაქეთა მსგავსად.

ამ პროექტის მიღების შემთხვევაში შესრულდება „ევროკავშირსა და საქართველოს შორის ასოცირების შესახებ შეთანხმების“ დღის წესრიგის 2015 წლის ეროვნული სამოქმედო გეგმით განსაზღვრული ვალდებულების ერთ-ერთი უმნიშვნელოვანესი კომპონენტი - ლტოლვილისა და ჰუმანიტარული სტატუსის მქონე პირთა ინტეგრაციის ხელშეწყობა, რაც ასევე გათვალისწინებულია „ლტოლვილისა და ჰუმანიტარული სტატუსების შესახებ“ საქართველოს კანონით.

პროექტის მიღების შემთხვევაში, შესაძლებელი იქნება საქართველოს მოქალაქეთათვის დადგენილი წესის მსგავსად, ლტოლვილისა და ჰუმანიტარული სტატუსის მქონე პირთა სკოლამდელი ასაკის შვილების სკოლამდელი აღზრდის საჯარო დაწესებულებებში რეგისტრაცია და სკოლამდელი აღზრდის დაწესებულებების მომსახურების მიწოდება.

პროექტით განსაზღვრული ღონისძიებების განხორციელება დაიწყება პროექტის ძალაში შესვლისთანავე, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს მომართვის შესაბამისად.

პროექტის საფინანსო-ეკონომიკური გაანგარიშება

პროექტის მიღება გავლენას იქონიებს ქალაქ თბილისის მუნიციპალიტეტის ბიუჯეტის ხარჯვით ნაწილზე.

პროექტის ავტორი: ქალაქ თბილისის მუნიციპალიტეტის მერია.

პროექტის წარმდგენი: ქალაქ თბილისის მუნიციპალიტეტის მერი.